

Informasjonsskriv til foreldre vedkommande endringar i forskrift til Opplæringslova

Føring av fråver:

I høve føring av fråver er det skjedd ei regelendring for dette skuleåret. Nedanfor er det laga ein punktvis oversikt over innhaldet og endringane:

- I motsetnad til førre skuleår er det no ikkje høve til å trekke frå meir enn 10 dagar i løpet av eit opplæringsår mot tidlegare 14.
- Vidare kan ein ikkje trekkje frå enkelttimar berre heile dagar.
- Eleven eller foreldra kan krevje at årsaka til fråværet blir ført på eit vedlegg til vitnemålet.
- Ein kan krevje at følgjande fråvær ikkje vert ført på vitnemålet:
 - a) dokumentert fråvær som skyldast helsegrunnar
 - b) innvilga permisjon etter opplæringslova § 2-11. (Sjå utdrag nedanfor)
For at fråvær som skyldast helsegrunnar etter bokstav a ikkje skal førast på vitnemålet, må eleven leggje fram ei legeerklæring som dokumenterer dette. Fråvær som skyldast helsegrunnar må vare meir enn tre dagar, og det er berre fråvær frå og med fjerde dagen som kan strykast. Ved dokumentert risiko for fråvær etter bokstav a på grunn av funksjonshemming eller kronisk sjukdom, kan fråvær strykast frå og med første fråværsdag.

Ein vil derfor be foreldra nytta det faste kommunale søknadsskjemaet dersom ein søker permisjon for meir enn to dagar og at søknaden kjem inn i god tid i forkant av permisjonen. Ei lenkje til søknadsskjemaet finn du på heimesida til skulen under «Samarbeid heim-skule».

Opplæringslova § 2-11:

§ 2-11. Permisjon frå den pliktige opplæringa

Når det er forsvarleg, kan kommunen etter søknad gi den enkelte eleven permisjon i inntil to veker.

Elevar som høyrer til eit trussamfunn utanfor Den norske kyrkja, har etter søknad rett til å vere borte frå skolen dei dagane trussamfunnet deira har helgedag. Det er eit vilkår for retten at foreldra sørgjer for nødvendig undervisning i permisjonstida, slik at eleven kan følgje med i den allmenne undervisninga etter at permisjonstida er ute.